

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/1-33-4331/21 od 09.03.2021. godine, Vlada Tuzlanskog kantona na sjednici održanoj dana 27.09.2021. godine, d o n o s i

ZAKLJUČAK

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 23.09.2021. godine, kako slijedi:

1. Usvajaju se naredbe i preporuke Kriznog štaba Federalnog ministarstva zdravstva koje su na snazi u periodu važenja ove Naredbe.
2. Dopušteno je okupljanje ljudi na određenom prostoru pod sljedećim uvjetima:
 - ne više od 50 ljudi u zatvorenom prostoru
 - ne više od 100 ljudi na otvorenom prostoru.
3. U skladu sa Naredbom Kriznog štaba Ministarstva zdravstva F BiH moguće je i organiziranje većih skupova uz posebno definirane uvjete: posjedovanje negativnog antigenskog ili PCR testa ne starijeg od 48 sati, potvrda o prebolovanom Covid-19 ne starija od 6 mjeseci ili potvrda o završenoj vakcinaciji.
4. Dozvoljeno je održavanje kongresa, konferencija i drugih edukativnih skupova, na kojima može prisustvovati do 100 osoba, a ukoliko skup ima više od 100 osoba, potrebno je da sudionici imaju: negativan antigenski ili PCR test ne stariji od 48 sati, potvrdu o prebolovanom COVID-19 ne stariju od 6 mjeseci ili potvrdu o završenoj vakcinaciji.
5. U skladu sa Naredbom Kriznog štaba Ministarstva zdravstva F BiH dozvoljava se prisustvo gledalaca na profesionalnim sportskim takmičenjima na otvorenom, uz uvjet korištenja maksimalno do 30 procenata kapaciteta stadiona, ali ne više od 500 osoba po tribini. Osobe na tribinama moraju nositi maske.
6. Naređuje se obvezno nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje distance od minimalno 2 metra. Nalaže se obvezno nošenje maske i na otvorenom prostoru, ukoliko se ne može ostvariti distanca od 2 metra.
7. U veletrgovinama i supermarketima se ograničava broj kupaca prema sljedećim kriterijima:
 - definira se prostor od 10 m² prodajnog objekta po potrošaču
 - bez obzira na veličinu prostora prodajnog objekta, nije dozvoljen boravak više od 400 potrošača.
8. Od Kantonalne uprave za inspeksijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se pojačan nadzor u smislu kontrole poštovanja važećih epidemioloških mjera i donesenih naredbi.

9. Traži se od Pedagoškog zavoda Tuzlanskog kantona da Kriznom štabu ministarstva zdravstva redovno dostavlja izvještaj o broju Covid pozitivne djece i osoblja po školama, kao i zbirno.
10. Preporučuje se ustanovama primarne zdravstvene zaštite da, u skladu sa epidemiološkom situacijom i brojem oboljelih na području kojem gravitiraju, aktiviraju tzv. Covid-ambulance za pacijente kod kojih postoji sumnja na Covid-19 infekciju, a sa ciljem smanjenja epidemiološkog rizika za ostatak populacije
11. Traži se od građana da izbjegavaju samoinicijativno i nestručno uzimanje i korištenje antibiotika, obzirom na činjenicu da na taj način mogu značajno ugroziti vlastito zdravlje. Korištenje antibiotika mora biti isključivo po preporuci ljekara.
12. Traži se od zdravstvenih radnika da se pri liječenju oboljelih od Covid-19 poštuju svjetske i lokalne smjernice za liječenje ove grupe pacijenata, a naročito u pogledu primjene antibiotika
13. U skladu sa zaključcima sa zajedničkog sastanka sa Ministarstvom obrazovanja i nauke Tuzlanskog kantona, Pedagoškim zavodom Tuzlanskog kantona i Univerzitetom u Tuzli, traži se od navedenih institucija, te svih osnovnih i srednjih škola, kao i predškolskih ustanova da promptno detektuju odjeljenja, razrede, odsjeke, škole gdje realizacija nastave nije moguća uz poštivanje svih preporučenih zaštitnih mjera, te da u istim obezbjede striktno provođenje preporučenih mjera svim mogućim sredstvima i načinima koji mogu uključivati i reorganizaciju ili izmiještanje dijela nastave u druge prostore.
14. Krizni štab Ministarstva zdravstva Tuzlanskog kantona apelira na građane da, u svjetlu trenutnog pogoršanja epidemiološke situacije na području kantona, koriste zaštitne maske u zatvorenim prostorima. Navedena mjera je jedan od najefektivnijih načina zaštite protiv Covid-19 infekcije.
15. Ova Naredba se primjenjuje od 29.09.2021. godine, a važi do 12.10. 2021. godine.
16. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Univerzitet u Tuzli
- 1 x Pedagoški zavod
- 1 x Svim osnovnim i srednjim školama i predškolskim ustanovama na području TK-
Putem Ministarstva obrazovanja i nauk
- 1 x Sredstvima informisanja
- 1 x a/a

